



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Dubium I. Quis ordo servandus inter personas, quæ diliguntur.

urn:nbn:de:hbz:466:1-42634

C A P U T II.

De Præceptis Charitatis erga proximum.

168 " C Haritas proximi præcipit 1. Ordinem in eo
 " diligendo. 2. Dilectionem inimicorum. 3.
 " Eleemosynam, 4. Correptionem fraternali.
 " Deinde prohibet 1. odium proximi, 2. scanda-
 " lum. 3. ne injuria, bellum, aliudve grave da-
 " minum, vel malum inferatur : De quo postre-
 " mo agetur in Decalogo ; de reliquis hic.

D U B I U M I.

169 ad 173. *Quis ordo servandus inter personas, que diliguntur.*

" - Resp. I. Ordine Charitatis quisque tenetur
 " post Deum diligere 1. Seipsum, secundūm bo-
 " na spiritualia. 2. Proximum, quoad eadem bo-
 " na. 3. Seipsum, quoad bona corporalia, 4. Pro-
 " ximum, quoad eadem. 5. Denique seipsum, &
 " deinde proximum, quoad bona externa. Ita
 " Lay. l. 2. t. 3. c. 3. ex S. Tho. & communiter. Unde
 " resolvuntur casus :
 " I. Peccat contra charitatem sui , qui salu-
 " tem suam spiritualem , vel corporalem negli-
 " git : quod grave est , si fiat sine causa & cum gra-
 " vi damno , v. g. mortis , vel gravis morbi. Trull.
 " l. 2. c. 6. d. 1. n. 1.
 " II. Nullius boni consequendi causā licet pec-
 care ,

care, etiam venialiter, quia talis velle sibi maius spirituale. Laym. ibidem.

III. Tenetur quisque proximo in extrema necessitate spirituali constituto succurrere, et iam cum certo vitæ periculo : dummodo sit æquè certa spes illum juvandi, neque gravius inde malum immineat : v. g. teneris cum vitæ periculo baptizare vel absolvere moriturum, si alius non adsit, qui id faciat S. Aug. lib. de mend. S. Thom. 2. 2. qu. 26. a. 5. & qu. 44. Regin. l. 4. c. 25. f. 6.

Dixi, in extrema, v. g. quâ certò putetur moriturus in mortali, quia in gravi tantum obligatur is, qui ex officio alienam salutem curat, ut Parochus ; cui ideo non licet fugere tempore pestis, nisi substituto æquè idoneo. Val. to. 3. disp. 3. q. 4. punct. 3. & Lay. l. c.

IV. Ordinariè non licet vitam suam postponere alienæ. Addo ordinariè: quia licet, si sit persona publica, à qua multum pendet, ut etiam pro Republ: , pro fide, religione defendenda, imò etiam pro amico propter Deum dilecto, Less. lib. 2. cap. 9. d. 6. n. 27. & 30. 31. Lay. l. c. n. 4.

Resp. II. Quoad proximos inter se, servandus est hic ordo: 1. Qui melior est, magis diligendus est, è dilectione, quam comitatur gaudium circa bona possessa, item honor, cultus & reverentia, sic, v. g. plus diligendus est vir sanctus, quam parens improbus, Ratio, quia est magis conjunctus cum præcipuo objecto Charitatis, quod est Deus. Item parentes magis quam filii vel uxor; magisque benefactores, quam ii, quibus benefecimus, Lay. l. c. n. 5. & 6. & comm. 2. Appretiativè; & dilectione eâ, quam alteri

alteri optamus bonum nondum possessum
cum beneficentia, magis diligendi sunt ii, qui
nobis sunt conjunctiores, quoad ea bona, quæ
sunt debita tali conjunctioni, & in quibus hæc
fundatur. Unde resolues:

I. In bonis pertinentibus ad naturam & vi-
tam corporalem conservandam, succurren-
dum est (extra necessitatem extremam) Pri-
mò omnium, uxori; quia est una caro cum vi-
ro. 2. Filiis. 3. Parentibus, & quidem Patri præ-
matre. 4. Fratribus, sororibus, deinde propin-
quis, domesticis, & familiaribus. Dixi, extra ex-
tremam necessitatem, quia in hac parentes, eò
quod vitam dederint, præferendi sunt etiam
uxori, & liberis. Laym. ib. num. 5. & 6.

II. In rebus pertinentibus ad civilem com-
municationem, præferendi sunt concives; in
bellicis, commilitones; in spiritualibus, spiritua-
les filii, patres, fratres. Bannes tamen probabi-
liter docet, parentes carnales, etiam in spiritua-
libus, aliis omnibus præferendos, quia con-
junctio carnalis est fundamentum aliarum con-
junctionum. v. Lay. l.c.

A D D E N D A.

169 Q. 42. An teneamur proximum diligere actu in-
terno & formali. R. Tenemur, uti patebit ex seqq:

§. 1. Sequentes propositiones damnatae sunt
ab Innoc. XI. 10. Non tenemur proximum diligere a-
ctu interno & formali. 11. Præcepto proximum dili-
gendi satisfacere possumus per solos actus externos. Ita-
que certum est, nos non satisfacere præcepto di-
ligendi proximum, si ei externè demus signa di-
lectionis, si eum juvemus, ei succurramus exter-
ns,

us, quando est in necessitate , sed præterea requiritur, ut hoc facientes habeamus actum internum, quo bene velimus proximo, sicuti enim tenemur nos internè diligere & nobis bene velle , ita etiam tenemur diligere proximum , cùm præceptum *Luc. 10.* dicat , *diliges proximum sicut te ipsum.*

§. 2. Datur obligatio per se & ratione præcepti Charitatis ad diligendum proximum actu interno & formaliter, nullum omnino excludendo , sed in universaliter omnes complectendo , etiam inimicos, ita omnes cum *S. Thoma 2. 2. q. 25. a. 8.* in O. Ratio est, quia præceptum Charitatis absolutè dicit, *diliges proximum*, vox autem illa, *proximus*, complectitur omnes ejusdem nobiscum beatitudinis capaces , etiam inimicos. Quandoman vero & quām sāpe repeti debeat illa dilectio proximi, de illo nihil est declaratum vel expressum , sed cùm *1. Petri 4* dicatur , *mutuam in vobis met ipsis charitatem continuam habentes*, videtur colligi, quōd frequenter eliciendus sit ille actus, aut quōd saltem in illo semel elicito sit virtualiter permanendum.

§. 3. Non est per se obligatio , ut diligentur singuli in individuo proximi , nam de hoc nullum exstat præceptum , & re ipsa est impossibile ; nihilominus requiritur in nobis præparatio animi, ut parati simus singulos , etiam inimicos, diligere , si occasio vel necessitas postulet, *S. Thom. suprà.*

§. 4. Si odium hujus numero proximi vel discordia aliter dimitti non possit , quām si hic numero diligatur actu interno & formaliter , erit per accidens obligatio ad hunc sic diligendum , cùm enim

enim actus internus in his circumstantiis sit unicum medium ad deponendum tale odium, quod quis graviter obligatur deponere, patet esse obligationem adhibendi illud medium, qui enim tenetur ad finem, tenetur ad medium necessarium. Similiter si occurrat obligatio succurrenti necessitati extremæ vel gravi hujus numero proximi, docet *Granado* 2. 2. cont. 3. t. 6. d. 6. n. 2. esse simul obligationem eum diligendi actu interno & formalí, quia tum tenetur succurrere proximo, ergo etiam tenetur habere voluntatem succurrenti, hæc autem voluntas succurrenti est amor internus. Extra casus illos docet *Carden.* in 2. crisi. d. 8. n. 31. non esse per se obligationem actu interno & formalí diligendi hunc vel illum in individuo proximum.

173. §. 5. Optimè satisht præcepto Charitatis erga proximum, si hic diligatur propter Deum, v. g. quia Deus summè bonus vult, quia Deo infinitè bono sic placet; tum enim manet Charitas proximi, & quidem perfectior, *Carden.* n. 40.

174. Q. 43. *An Pastor cum quocunque damno suo tenetur subvenire subdito in gravi necessitate spirituali constituto.* R. Nomine Pastoris veniunt Episcopi, Parochi & alii ex officio curam animarum habentes, de quibus omnibus certum est sub mortali teneri succurrere subdito, non tantum in extrema, sed etiam in gravi necessitate spirituali constituto; & ad hoc quidem tenentur cum quantumcunque magno suo detrimento temporali, imò & cum vitæ propriæ damno, ita *S. Thom.* 2. 2. q. 26. a. 5. ad 3. & q. 185. a. 5. *Suar.* q. 1. p. 2. §. Quartò dico. *Granad.* d. 4. n. 4. *Castrop.* d. 1. p. 9. *Con.* d. 25. d. 7. concl. 1. & 3. *Aravio*,

Bann.

Bann. Arrag. Nav. Tāpia , quos citat & sequitur
 Carden. in 1. crisi d. 76. c. 2. Probatur 1. nam assu-
 mens officium Pastoris ad hoc se obligavit veluti
 per pactum, ideoque communitas ipsi assignavit
 proventus ac stipendia. 2. Sic tenetur Bellidux
 adesse exercitui, Gubernator Urbi de salute tem-
 porali periclitanti, ergo multò magis Pastor
 subdito periclitanti de salute Animæ. 3. Unuf-
 quisque tenetur etiam cum damno vitæ succur-
 rere proximo in extrema necessitate spirituali
 constituto , ergo Pastor tenebitur etiam in gra-
 vi ; Ratio enim & communis sensus dictat pro-
 prium Pastorem ad amplius teneri erga ovicu-
 lam, quam extraneum. Addit Suar. d. 9. f. 2. n. 5.
 etiam teneri cum periculo magni ðamni tempo-
 ralis , si tantum sit magna utilitas spiritualis , ad
 hanc enim subdito procurandam se ex vi officii
 obligavit.

Q. 44. Quenam necessitas spiritualis dicatur ex- 175
 trema , gravis vel communis. R. Extrema est , cùm
 proximus versatur in periculo proximo damnationis æternæ ; item quandoque, si sit in periculo
 proximo peccandi mortaliter ex vehementia
 passionis vel tentationis. Gravis est , si non sit
 quidem periculum proximum damnationis æ-
 ternæ, attamen sunt circumstantiæ, quæ salutem
 æternam reddunt difficilem. Communis est , in
 qua communiter sunt peccatores in mortali
 constituti, ita Carden. suprà : Et de his plura vide-
 ri possunt apud Valent: 2. 2. d. 3. q. 4. p. 3. Bonac.
 in 1. præc: dec. d. 3. q. 3. p. 4. n. 5. Baldel. t. 2. l. 2.
 d. 18. n. 15. Bass: t. 1. v. Charitas n. 21. Castrop. t. 6.
 d. 1. p. 9. n. 10., ubi dant exempla , præsertim
 extremæ necessitatis spiritualis.

Q. 45.

176 *Q. 45. An quis possit aliquando vitam aut bonum suum postponere vitaे aut bono alterius privati.* R^e. §. 1. Si hic homo privatus sit in certo & extremo periculo vitaे, licebit tibi adire probabile periculum vitaे tuae pro illius vita servanda, quia certa mors alterius est majus malum quam probabile periculum vitaе propriæ: ad hoc tamen non teneris, quia nimis durum videtur obligari hominem ad exponendam vitam suam gravi periculo pro servanda vita alterius privati hominis.

177 §. 2. Si tu sis in æquali periculo cum altero, poteris tibi prius providere quam illi; nihilominus potest etiam homo permittere mortem suam, ut salvet vitam proximi etiam privati, v. g. potest defendere illum contra latronem, quamvis prævideat se occidendum: Similiter potest in naufragio non arripere tabulam, sed permittere alteri, nam in his non amat Proximum plus quam se, sed amat bonum heroicæ virtutis plus quam vitam suam, ut ex *S. Thoma* recte observant *Ovied.* cont. 8. n. 87. & *Castrop.* t. 6. d. 1. p. 8., neque ejusmodi homo vitam sibi directè tollit, sed tantum non servat ex motivo virtutis. An autem possit, v. g. tabulam jam insessam dare alteri evasuro, si prævideat se certò submergendum, major est difficultas; affirmat *Lorca*, negant alii communius cum *Suar.* & *Ovied.* n. 72., quia jam in tabula constitutus erat extra periculum, in quod si se directè reingerat, videtur, moraliter loquendo, sibi directè vitam tollere, ut alteri servet, quod illicitum est: putat tamen *Suar.* fore tantum veniale, quia gravitas hujus peccati non debet desumi à vita propria, sed ab excessu tituli, qui est, ut potius conservem vitam meam,

meam, quam alienam, hic autem excessus videatur esse levis, unde sicuti peccare in tantum venialiter, si beneficium quantumvis pingue conferrem digno prætermisso digniore, si excessus dignitatis inter illos esset tantum levus, ita & hic. Oppositum tenet *Ovied.* n. 83., quia titulus, qui est conjunctio major mecum ipso, videtur esse gravis. Videri potest etiam *Lugo de just.* d. 10. n.

48.

§. 3. Si Latro te invadat, quamvis credas te ¹⁷⁸ esse in gratia, non teneris permittere te occidi, quia Latro non est in extrema necessitate spirituali, propter quam debeas exponere vitam tuam, sed est in extrema malitia, à qua liberare se potest, si velit, ita *Con. Bonac.* aliisque cum *Castrop.* p. 9. n. 7. Quod si te invadens esset phreneticus, adhuc non teneris permittere te occidi, licet pro tua vita deberes eum occidere, quia non debes reputare eum esse in peccato, in quo si est, nescis, an sit redditurus ad rationem & pœnitentiam; & reipsa nimis grave est sic te imparatum trudi in æternitatem: hinc *Bartholus*, *Gomez*, *Mol.* *Mald.* *Tann*: *Bonac*: *Castrop*: *Tamb*: *Dicast*: *Sangallenses*, quos citat & sequitur *Vindex Gobati* p. 2. prop. 10. n. 4. absolutè docent talem etiam rationis impotem posse occidi. Vide *Vind. Gob.* ad prop. 10. & dicenda l. 3. p. 1. n. 814.

§. 4. An laudabilius sit hominem morientem ¹⁷⁹ transferre in alias animas purgatorii omnia suæ *Við e lib. 3.* fragia & satisfactiones pro se offerendas, an sibi ^{n. 31.} retinere, fusè in utramque partem discutit *Arraga* d. 40. f. 2., & concludit esse minus laudabile, quia est velle Deum potius laudari ab alio quam à se, quod videtur esse hominis minus a-

K

mantis

mantis Deum : Econtrà *Hautinus* in patr: defunct: à n. 627. citans pro se *S.Thomam Suar: & Lug:* fusè contendit, id esse laudabilius, quia per actum illum Charitatis plus meretur gratiæ & consequenter gloriæ sibi & Deo per totam æternitatem. An autem sit obligatio juvandi defunctos, videri potest *Haut:* à n. 438.

180. §. 5. Probabilius videtur , quòd possim ad tempus velle carere gratiâ Dei vel beatitudine pro impediendo peccato vel damnatione Proximi , uti rectè *Ovied.* n. 15; multò magis etiam potero secundùm ordinatam Charitatem omittere actus bonos , ut sic impediā majora mala proximi; non possum tamen ideo velle peccare etiam levissimè, & ut volunt *Arr.* & *Ovied.* n. 23, non possum velle in perpetuum carere beatitudine etiam pro totius mundi salute , quamvis hoc absque peccato contingere posset , quia tenor ultimò tendere ad finem meum , quando possum sine peccato; in hoc tamen contradicunt alii cum *Bonæfhei* d. 4. n. 10., docentes eum esse actum excellentissimum Charitatis , & favent exempla quorundam Sanctorum.

181. Q. 46. *Quid debeat facere sacerdos , si simul doceatur ad baptizandum infantem , & ad absolvendum adultum , quorum alter certò morietur absque Sacramento , si postponatur alteri.* R. Si adest Laicus, qui baptizare poscit, debet eum mittere ad infantem baptizandum , & ipse ire ad absolvendum adultum : si autem nemo adest, qui baptizare poscit , debet infantem præferre adulto , infans enim certò periret , non item adultus , qui fortè non est in peccato mortali , vel per contritionem se juvare potest : hoc autem est

arri-

arripiendum, quod minùs habet de periculo, utl
docet *S. Thom.* 3. p. q. 83. a. 6. Ita cum *Gob. Steph.*
t. 3. d. 3. d. 1.

Circa ordinem Charitatis aliqua addentur l. 3.
p. 1. à n. 719. & 731.

*D V B I V M II.**De odio, & dilectione inimicorum.*

Certum est, inimicos aliquo modo diligen-¹⁸²
dos, cùm sint proximi, cum *S. Tho.* 2. 2. q. 25. a.¹⁸²
1. communiter omnes. Sed quæritur de modo, &¹⁸²
an possint odio haberi.

Resp. I. Quilibet homo, saltem privatus, tene-¹⁸²
tur proximo, etiam inimico, communia dile-¹⁸²
ctionis signa & beneficia exhibere ex præcepto;¹⁸²
specialia verò ex consilio tantum, nisi aliunde¹⁸²
ratio obligationis accedat. *Ita communiter cum*
Laym. l. 2. t. 3. cap. 4. ex S. Thom. l. c. q. 25. a. 8. &
9. Dixi 1. communia: qualia secundum Cajet. V.
odium, sunt, quæ Christiano debentur à quovis
Christiano in communi, concivi à concive, co-
gnato à cognato. Ratio autem est, quia ista ne-
gare, est vindicare injuriam, quod non licet
privato. Dixi 2. nisi aliunde accedat ratio obligatio-
nis, qualis esset v. g. 1. Timor scandali ex omis-
sione. 2. Spes salutis inimici, ut vid. Azor p. 2. lib.
12. cap. 3. 3. Necessitas temporalis vel spiritua-
lis. 4. Culpæ deprecatio, & exhibitio speciali-
um signorum amoris. Ratio, quia his casibus,
neglectus specialium signorum esset exterior
*odii declaratio. Laym. l. c. Unde resolues Casus se-
quentes;*

K 2

I. Per